



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj: 01-GV-02-1537-1/21  
Datum, 01.12.2021. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na Devetoj sjednici Gradskog vijeća Grada Sarajeva, održanoj 01.12.2021. godine, **gradski vijećnik Bajro Biber** uputio je **inicijativu** da Grad Sarajevo donese Rezoluciju protiv uspostavljanja sistema COVID potvrda ili drugih mehanizama uslovljavanja slobode kretanja na prostoru grada Sarajeva, koja je u prilogu ovog akta, te zatražio da se Gradsko vijeće Grada Sarajeva, na Desetoj sjednici, izjasni o podnesenoj inicijativi.

O inicijativi će se Gradsko vijeće Grada Sarajeva izjasniti na sljedećoj sjednici.

*PREDSJEDAVALJUĆI GRADSKOG VIJEĆA*

*Jasmin Ademović, s.r.*

Prilog: Inicijativa

Dostaviti:

- Kolegiju Gradskog vijeća Grada Sarajeva
- Gradskom vijeću Grada Sarajeva
- Evidenciji
- a/a

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





[www.boss.ba](http://www.boss.ba) | [press@boss.ba](mailto:press@boss.ba)

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRADSKO VIJEĆE GRADA SARAJEVA  
N/r. predsjedavajućeg**



Na osnovu odredbe člana 19. i 108. Poslovnika Gradskog vijeća Grada Sarajeva podnosim:

#### **PRIJEDLOG ZA DONOŠENJE REZOLUCIJE**

**Povodom najava i namjera Vlade Federacije Bosne i Hercegovine i Kriznog štaba Ministarstva zdravstva Federacije Bosne i Hercegovine o uvođenju pravila VTP (vakcinisan/a, testiran/a, preobolio/la), sa čijom bi se primjenom trebalo početi 20. 12. 2021. godine.**

#### **OBRAZLOŽENJE**

Vlada Federacije Bosne i Hercegovine je zadužila Zavod za javno zdravstvo Federacije BiH da, u roku od 15 dana, izradi prijedlog stručnih smjernica za primjenu pravila VTP (vakcinisan/a, testiran/a, preobolio/la) - pravila koje podrazumijeva da će se u određene objekte moći isključivo pristupiti uz covid-potvrdu, negativan test ili potvrdu o prebolovanom koronavirusu, sa planiranim početkom primjene pravila od 20.12.2021. godine. Time bi nevakcinisani građani bili direktno diskriminirani u odnosu na vakcinisane građane, jer moraju prvi svakom ulazu u određene objekte predložiti potvrdu o prebolovanom koronavirusu ili uraditi test na koronavirus, dok se vakcinisani građani uz covid-potvrdu mogu apsolutno kretati bez ograničenja, iako je dokazano da vakcinisani građani prenose virus jednako kao i nevakcinisani. Na ovaj način je jedna grupa građana u neravnopravnom položaju prema drugoj, iako ne postoje okolnosti koje ih razlikuju - jer obje grupe prenose virus.

i Hercegovine. Član 177. KZ FBiH predviđa zatvorsku kaznu od 1 do 8 godina za službena lica u Federaciji ukoliko, između ostalog, na osnovu nečijeg uvjerenja istom ograniče ili uskrate građanska prava, odnosno na osnovu tog uvjerenja daju drugim pojedincima neopravdane povlastice ili pogodnosti. Nadalje, također predstavlja kršenje odredbi iz člana 179. - Protupravno oduzimanje slobode, člana 187. - Neovlašteno otkrivanje profesionalne tajne, 193. - Nedoovoljeno korištenje ličnih podataka, člana 280. - Povreda prava iz radnog odnosa, istog Zakona, kao i člana 2. Zakona o zabrani diskriminacije BiH, koji normira da je nezakonito različito postupanje prema građanima, uključujući svako isključivanje, ograničavanje ili davanje prednosti jednoj grupi građana spram druge. Ustavni sud je u Odluci broj: AP-3683/20 presudio da su slične naredbe neustavne i predstavljaju kršenje prava na slobodu kretanja.

Nadalje, dokaz koji ide u prilog činjenici da se ne smije uslovljavati kretanje građana vakcinacijom protiv koronavirusa jeste i akt Vijeća ministara BiH (broj: UPI-0-29-2-0-21) koji je dostavljen BOSS-u kao informacija Agencije za lijekove i medicinska sredstva BiH (broj: 10-02.3-593-1/21) po zahtjevu za pristup informacijama o vakcinaciji protiv koronavirusa, a što zahtijeva posebnu pažnju ovog organa jer se zvanične informacije o vakcinaciji ne slažu sa uputama proizvođača vakcina.

Agencija za lijekove i medicinska sredstva BiH je, između ostalog, navela, citiramo: **"U vezi sa vašim upitom obavještavamo vas da niti jedna vakcina protiv Covid-19 nema važeću dozvolu za stavljanje u promet u BiH, kolokvijalno rečeno nije registrovana. U postupku registracije je ruska vakcina"**, završen citat.

Nadalje, uz odgovor Agencije u prilogu su dostavljena i uputstva proizvođača vakcina iz kojih izdvajamo neke od uputa, kao naprimjer sljedeće, citiramo: **"Kada je vakcina na sobnoj temperaturi, nježno okrenuti bočicu 10 puta. NEMOJTE tresti bočicu. Napomena: Ako se bočica protrese, bacite vakcinu"**, završen citat.

Za vakcine Sputnik je navedeno, citiramo: **"Nije dopušteno protresanje bočice ili ampule! Sadržaj pažljivo promiješajte laganim kružnim pokretima."**, završen citat, a za vakcinu AstraZeneca, citiramo: **"NEMOJTE tresti bočicu."**, završen citat. U uputstvu vakcine Sinopharm navedeno je, citiramo: **"Vakcinu snažno protresti prije upotrebe."**, završen citat, a u uputstvu vakcine Sinovac, citiramo: **"Prije**

**upotrebe dobro promućkati."**, završen citat. Navedeno obavezuje Vijeće ministara BiH kao i Agenciju da što prije obavijeste javnost da li zdravstvene ustanove primjenjuje uputstvo da se bočica vakcine prije vakcinacije mora nježno okrenuti 10 puta i da se bočica mora baciti ako se protrese, a da se druge vakcine moraju pažljivo miješati laganim kružnim pokretima i da nije dopušteno tresti bočicu. Potrebno je objaviti zvanične garancije da se bočice vakcina nisu i neće protresati prilikom transporta do mjesta vakcinacije, te šta se to "lomljivo" nalazi u vakcini zbog čega se mora baciti nakon što se protrese.

Zakon o lijekovima i medicinskim sredstvima i Pravilnik o postupku i načinu davanje dozvole za stavljanje lijeka u promet propisuju šta uputstva lijekova, uključujući i vakcine, moraju sadržavati na način razumljiv laiku u odnosu na moguće prepreke za uzimanje lijekova, mjere opreza u odnosu na hranu i piće, interakcije sa drugim lijekovima, efekti na trudnoću, dojenje, djecu itd. U službenim uputstvima vakcina, u dijelu u kojem se mora obavezno navesti interakcija vakcine sa drugim lijekovima ili drugim vakcinama, za **Sputnik** vakcinu proizvođač je naveo, citiramo: „**Nije prostudirana**“, završen citat. Uputstvo za **AstraZeneca** vakcinu, kao i za **Pfizer**, ne sadrži obavezni dio o interakciji vakcine sa drugim lijekovima. Za vakcine **Moderna** nije uopšte dostavljeno uputstvo. **Sinopharm** u dijelu interakcije sa drugim lijekovima navodi, citiramo: "**Rezultati kliničkog ispitivanja ove vakcine u kombinaciji sa drugim rutinskim vakcinama nisu još utvrđeni. Osobe koje uzimaju ili su nedavno uzimali bilo koji lijek, uključujući i lijekove koji se kupuju bez ljekarskog recepta trebaju na vrijeme obavijestiti ljekara**", završen citat. U uputstvu za vakcine **Sinovac** navodi se, citiramo: "**Ne postoje nikakvi podaci za procjenu uticaja istovremene primjene ovog proizvoda sa drugim vakcinama**", "**Kako bi se spriječile interakcije sa drugim lijekovima koje pacijent koristi, preporučuje se da se pacijenti pod terapijom prije vakcinisanja posvjetuju sa ljekarom.**", završen citat.

Dakle ni za jednu vakcinu nisu navedene interakcije sa drugim lijekovima. odnosno

Zdravstveni propisi služe da spriječe zdravstvene komplikacije jer veliki broj građana, posebno starijih, koristi različite lijekove, pa se ne smije dopustiti da se njihovo zdravstveno stanje pogorša ili da dođe do smrtne posljedice uslijed primanja vakcine. U zvaničnim dostavljenim uputstvima proizvođača vakcina navedeno je za Sputnik vakcinu da se primjenjuje "kod odraslih starijih od 18 godina starosti. Kontraindikacije: trudnoća i dojenje; uzrast ispod 18 godina (zbog nedostatka podataka o sigurnosti i djelotvornosti). Primjena tokom trudnoće i dojenja: Lijek je kontraindikovano tokom trudnoće i dojenja, jer njegova efikasnost i sigurnost u tim periodima nisu proučavani."

Ovo nedvosmisleno znači da primjena vakcine nije dopuštena, jer bi pogoršala zdravstveno stanje ili ugrozila život. Vakcine AstraZeneca, Sinovac i Sinopharm isključivo se primjenjuju po uputstvu: "18 godina i stariji", a Pfizer: "Osobe iznad 16 godina i starije." Za vakcine Moderna nije dostavljeno uputstvo proizvođača. Uputstvo Sputnik vakcine navodi da su kontraindikacije teže alergijske reakcije u prošlosti kod pacijenta, te kao **mjera opreza navedeno je da se vakcina aplicira sa oprezom u slučajevima hroničnih oboljenja jetre, bubrega, endokrinih poremećaja, ozbiljnih oboljenja hematopoetskog sistema, epilepsije i drugih oboljenja CNS-a, akutnog koronarnog sindroma i akutnog cerebrovaskularnog događaja, miokarditisa, endokarditisa i perikarditisa, a da zbog nedostatka podataka, vakcinacija može predstavljati rizik za pacijente sa autoimunim bolestima. Lokacije gdje se vrši vakcinacija moraju imati dostupan anti-šok tretman.** Uputstvo Pfizer i AstraZeneca, između ostalog, navodi "Osigurajte da zdravstveni radnik koji je kompetentan za identificiranje i liječenje ovih reakcija i potrebna oprema i lijekovi budu na raspolaganju. Poduzmite mjere opreza kako bi se izbjegle povrede u slučaju da dođe do pojave gubitka svijesti kod osobe koja je primila vakcinu". Kod ostalih proizvođača vakcina takođe su navedene slične mjere opreza i neophodna obezbjeđenja odgovarajućih sredstava i uređaja na mjestu vakcinacije.

Važno pitanje na koje viši organi u ovom kontekstu onda moraju odgovoriti jeste - zašto se primoravaju građani na vakcinaciju uslovljavanjem uskraćivanja slobode kretanja i rada, kada proizvođači vakcina upozoravaju da određene grupacije građana sa hroničnim i drugim oboljenjima ne smiju primati vakcinu i zašto se najavljuju još strožije mjere uslovljavanja primanja eksperimentalnih vakcina kada to može rezultirati

masovnim ugrožavanjem života građana pa i smrtnim posljedicama. Zašto javnost nije informisana da li su ad-hoc vakcinalni punktovi po tržišnim centrima i sličnim lokacijama van medicinskih ustanova, a u odnosu na uputstva proizvođača vakcina, sigurna mjesta za kvalitetnu provjeru ranijih medicinskih stanja kod građana, posebno u okolnostima kada proizvođači vakcina upozoravaju da ranija oboljenja u kombinaciji sa vakcinom mogu izazvati gubitak svijesti i nova teža oboljenja. Stručnjaci građanima trebaju odgovoriti koja je svrha vakcinacije eksperimentalnom vakcinom posebno starijih građana sa ranijim oboljenjima i da li vakcinacija uopšte pomaže starijim osobama ili ugrožava njihov život kada se uzmu u obzir sva stanja koja prema zvaničnim uputstvima proizvođača vakcina predstavljaju kontraindikacije - dakle faktičku zabranu vakcinisanja jer bi se pogoršalo ili ugrozilo bolesnikovo stanje.

Također, nedopustivo je da se ovaj zakonodavni organ dovede u situaciju da bude faktički podstrekivač na izvršenje ranije navedenih krivičnih djela prema covid redarima i ostalim licima koja će biti u obavezi sprovođenja VTP mjera, što bi tako otvorilo put diskriminisanim građanima da kroz krivične prijave i tužbe ostvaruju svoja prava sudskim putem, a gdje bi zasigurno shodno zakonima na snazi dobili presude u svoju korist.

Stoga, rezolutno moramo odbiti uvođenje covid-potvrda ili bilo kojeg drugog sistema uslovljavanja građana za ulazak u objekte na osnovu vakcinacije protiv koronavirusa, kao i zahtijevati da se vakcinacija građana vrši isključivo u medicinskim ustanovama koje posjeduju adekvatne uslove za pravilno i sigurno vakcinisanje građana koji žele primiti vakcinu protiv koronavirusa.

Slijedom navedenog predlažemo da Gradsko vijeće Grada Sarajeva donese rezoluciju, kako slijedi u nastavku:

Na osnovu člana 108. Poslovnika Gradskog vijeća Grada Sarajeva, a nakon prihvatanja inicijative vijećnika BOSS-a za usvajanje rezolucije o odbijanju uspostavljanja sistema covid-potvrda na prostoru Grada Sarajeva, Gradsko vijeće Grada Sarajeva usvaja sljedeće:

## **REZOLUCIJA**

### **PROTIV USPOSTAVLJANJA SISTEMA COVID-POTVRDA ILI DRUGIH MEHANIZAMA USLOVLJAVANJA SLOBODE KRETANJA NA PROSTORU GRADA SARAJEVA**

#### **I**

(1) Gradsko vijeće Grada Sarajeva poziva Vladu Federacije Bosne i Hercegovine i Krizni štab Ministarstva zdravstva Federacije Bosne i Hercegovine da odustane od uvođenja sistema covid-potvrda, odnosno pravila VTP, čija primjena treba početi 20. 12. 2021. godine, jer se radi o ugrožavanju osnovnih ljudskih prava i slobode: pravo na slobodu kretanja, slobodu drugačijeg mišljenja, pravo na rad i prava pacijenata.

#### **II**

(1) Gradsko vijeće Grada Sarajeva zaključuje da najavljeni sistem covid-potvrda, na osnovu kojeg se protuustavno i protivzakonito uskraćuju prava jednog grupi građana u odnosu na vakcinisane, čini i podstrekava ostala lica koja bi provodila navedenu odluku na krivično djelo, te stoga rezolutno odlučuje da se na prostoru ovog grada u cilju zaštite prava građana zagarantovanih Ustavom Bosne i Hercegovine, Evropskom konvencijom o zaštiti ljudskih prava i njenim protokolima neće primjenjivati sistem covid-potvrda ili VTP pravilo ili bilo koji drugi mehanizam uslovljavanja slobode kretanja i prva na rad na osnovu vakcinacije protiv koronavirusa, ukoliko bude stavljen na snagu.

(2) Gradsko vijeće Grada Sarajeva poziva Skupštinu Kantona Sarajevo da donese odluku kojom se također sprječava primjena sistema covid-potvrda ili VTP pravila na području ovog Kantona, a ukoliko Skupština Kantona Sarajevo odbije ovakav prijedlog te prihvati i realizuje odluku Vlade FBiH o uvođenju sistema covid-potvrda informišemo javnost da ista neće biti realizovana na području ovog grada.

#### **III**

(1) Gradsko vijeće Grada Sarajeva poziva Vladu Federacije Bosne i Hercegovine da ponovno razmotri svoju najavu uvođenja pravila VTP, te da promijeni svoje stajalište u pogledu borbe protiv koronavirusa bez diskriminacije građana.

(2) Ukoliko zdravstvena situacija nalaže djelovanje, zahtijevamo da viši organi donose iste mjere za sve građane zbog činjenice da i vakcinisani i nevakcinisani građani mogu biti nosioca virusa, odnosno prenositi virus, što predstavlja bitnu okolnost u sprječavanju diskriminacije građana.

#### IV

(1) Gradsko vijeće Grada Sarajeva zahtijeva ukidanje prakse vakcinacije građana u otvorenim okruženjima ili tržnim centrima i slično, te vraćanje procesa u okvire prostorija medicinskih ustanova koje raspolažu sa adekvatnim uslovima za dijagnosticiranje stanja građana, odnosno pacijenata uvidom u njihove zdravstvene kartone prije vakcinacije kako bi se utvrdilo da postoji zdravstvena prepreka za vakcinaciju građana protiv koronavirusa, kao i da se vakcinacija vrši strogo prema uputstvima proizvođača za svaku vakcinu.

#### V


(1) Rezolucija će biti objavljena u Službenim novinama Grada Sarajeva.

Predsjedavajući Gradskog vijeća

Broj:

Datum:

\*\*\*

Mirmes Ajanović, predsjednik  Osnovne stranke

Bajro Biber, vijećnik u Gradskom vijeću Grada Sarajeva